



QEQERTALIK
BUSINESS COUNCIL
A/S

KOMMUNE QEQERTALIMMI INUUSSUTISSARSIORNIKKUT

- TAKORNARIAQARNIKKULLU
INERIARTORNEQ

AALLARNIUT

Qeqertalik Business Councilip inuussutissarsiutitigut siunnersuisoqarfiunissaa aammalu Kommune Qeqertalimmi takornariaqarnikkut ingerlatseqatigiiffiunissaa siunertaavoq. Kommunilu tamaat isigalugu imaluunniit kommunip iluani aallartitsisinissamik pilersaartoqartillugu, ilaatigut suliffeqarfimmik aallartitsiniartut, suliffeqarfiliassamut anguniakkatut pilersaarutit allaaserisassat, piginnaasatigut ineriartortitsinermut tunngasuni, suliffeqarfinnut aningaasalersuinikkut periarfissanut tunngasuni aammalu suliffeqarfinnut aallarnisartunullu nioqqutissiornikkut ineriartortitsinerit iluanni ingerlatseqatigiiffik siunnersuinissamut neqerooruteqartarpoq.

Taakku saniatigut Kommune Qeqertalimmut takornarissanullu iluaqutaasussanngorlugu suliffeqarfittullu piginnaasassanik aallerfissanngorlugu takornarialerinerup nukittorsarnissaa, taamaalillunilu piffissap ingerlanerani nunap immikkoortuata najugaqarfissaqqissutut, suliffeqarfimmik ingerlatsilluarfiusutut aammalu takornarissanut tikeraangassaqqissutut isigineqalernissaa ingerlatseqatigiiffiup sulissutigissavaa.

Anguniagassatut takorluugaq

Inuussutissarsiuteqarnermut eqeersimaartumut, aallarnisaarusussuseqarnermut patajaatsumut takornarialerisoqarnermullu uummaarissumut aallarnisaasuuvugut.

Anguniagaq

Aallarnisaasunik siunnersuisarpugut, aningaasalersorneqarnissamik periarfissanik aqqutissiuussisarpugut kiisalu piujuartitsiffiusumik inuussutissarsiuteqarnissamut siuarsaarluta – Immikkoortortaqaqfitta takornarissanit nalorninaatsumik pisariitsumillu

toqqarneqarsinnaanissaa [Explore the Golden Bay of Greenland-imik](#) taaguuserlugu anguniagaraarput.

Aallarnisaaneq

Kommunitsinni aallarnisaanikkut piorsarsimassuseq nukittorsarusullugu inuussutissarsiutitigut siunnersuisoqarfittut anguniagaqarluta sulivugut. Taamaaliortarpugullu ilaatigut namminersorlutik inuussutissarsiummik aallartitsisimasut aggersarlugit aallartisarnernannik oqaluttuarterinnerisigut, taamaalillutik inuussutissarsiutaannut assingusunik aallartitsiniarlutik namminersulerusuttut isumassarsiorfeqarsinnaaqqullugit immersorneqarsinnaaqqullugillu.

Ukiumut minnerpaamik [aallarnisartunut cafeertitsinerit](#) sisamat aqqissuuttarpagut, aqqissuussanilu taakkunani aallarnisaanissamik takorluugaqaraanni qeratanngitsumik kaffisorusaajutigaluni inuussutissarsiummik aallartitsisimasumik ataatsimeeqatiginnittoqarsinnaavoq, tassanilu toqqaanaq suliffeqarfimmik aallartitsineq pillugu periarfissallu unamminartut suut aallarnisarnermi naammattuugassaasarnersut saqqummiisunut apeqqutigineqarsinnaanerat periarfissaasarpog. Najukkami inuussutissarsiuteqarnermik ingerlatsisut isumassarsiorfigineqarnissaat pingaartitaraarput, inuimmi inuit nalunngeriikkatik nujalerisuunersut, eqqiaasutut suliffeqarfiuteqarnersut sanasuunersulluunniit apeqqutaatinngit tarrasorfigilluarnersinnaasarmatikkit.

Aammali allat oqariartuutiminnik periarfissiissutinillu ingerlatitseqqeerusuttut aggersarnissaannut mattussineq ajorpugut. Taamaammallu sumiiffinnit assigiinngitsunit saqqummiisunik pulaarteqartarpugut, soorlu



aningsaateqarfinneersunik, Namminersorlutik Oqartussani naalakkersuisoqarfinneersunik, tunisassiorfinneersunik aamma takornarialisunik kiisalu content creatorinik saqqummiartortunik pulaarteqartarpugut. Ataatsimoorneq una immikkuullarissuq kinguneqartitsiffiusumik suleqatigiinnermik siusarsaaqataasooq sunniivigeqatigiinnermik nutaanik, kommuni tamaat isigalugu aallarnisaanikkut suliniutit siunissami qanoq iluseqarsinnaanerannik ilusileeqataasinnaasooq, pilersitsiffiuvoq.

Najukkami aallarnisaasutta ilaasa tungitsinnit ikorfartorneqarnertik, siunnersorneqartarnertik iluatsitsinissaminnullu aammalu siuariartornerminnut tapersorsorneqarnertik qanoq isumaqarfigineraat aperigaanni, pitsaasumik utertitsiffiginnittarput. Oqaluttuallu iluatsitsinermut tunngasut ilagaat Anders Broberg, Nukariit Qeqertarsuaq ApS-imeersooq, siunnersuinerput aqqutigalugu qatanngutinilu eqeersimaartumik suliffeqarfimmik pilersitsisimasut. Taakku oqaluttuaat siunnersuineq eqqortoq aqqutigalugu, qanoq illoqarfeeqqami inuttuallaanngikkaluartumi suliffeqarfimmik pilersitsisoqarsinnaaneranut isumassarsiorfissatut assersuutissaalluarpooq.

Aningaasalersuinissamut periarfissat

Nammineq aallarnisaasutut periarfissat pillugit siunnersorneqarnissamik pisariaqartitsigaanni, taava uagut siunnersuisarnerput aqqutigalugu aningaasalersuinissamut periarfissat

paasititsiniutiginissai piginnaasaqarfigalugulu ilisimasaqarfigaarput. Tassa imaammat suliffeqarfimmik aallartitsiniarnermi taarsigassarsitinneqassagaanni imaluunniit tapiiffigineqassagaanni, taakkununga tapiliullugu aningaaserivinnit aningaasaliisartunillu allanit minnerpaamik ileqqaagaqarsimanissaq piumasaqaataasartoq.

Kommune Qeqertalimmut kiffartuussinissamut isumaqatigiissutitsinnut atatillugu, ajorluartumik toqqaannartumik aningaasatigut tapiissuteqarnissamut suliniutinut ataasiakkaanut taarsigassarsititsinissamut aningaasalersuinissamulluunniit periarfissaqanngilagut. Taamaakkaluartorli Nalik Ventures, nuna tamakkerlugu inuussutissarsiuteqarnikkut ineriartortitsinissamut ingerlatseqatigiiffik, aallarnisaasunut inuussutissarsiuteqarnikkullu ingerlatsisunut taarsigassarsititsinissamut tapiinissamullu periarfissiisartoq suleqatigilluagaaarpugut. Nalik Venturesilu aqqutigalugu taarsigassarsinissamut tapiiffigineqarnissamulluunniit aqqqissuussamut qinnuteqarnissamut, sinaakkutissat pitsaanerpaat anguniarlugit siunnersuisinnaavugut. Taakku saniatigut aningaasaateqarfiit atornissaat kissaatigigaanni, aningaasaateqarfiit taakkulu tapiissuteqarnikkut aqqqissuussaat ilisimasaqarfigilluarpagut. Aamma inunnut ataasiakkaanut kommuneqarfitsinniluunniit peqatigiiffiit iluaqutigilluartaagaannik, akuttunngitsumik aningaasaateqarfinnut qinnuteqarnissamut pikkorissaasarpugut.

Periusissiaq 2024-2028-mit iliusissatut pilersaarutinit tingulaakkat

Aningaasalersuinissamut periarfissani immikkut ilisimasaqarneq

Aallarnisartut ajornannginnerusumik aallartinnissamut aningaasanik qinnuteqarsinnaaqqullugit suliffeqarfiliassamut anguniakkatut pilersaarutit allaaserisassat, suliniutinut missingersuusiornissamut kiisalu aningaasaliisussanut periarfissat suussusersiniarnissaannut siunnersueriaatsinik periusissiaq 2024-2028-mi, iliusissatut pilersaarutini 49, 50 51-imilu atuutilersitsinikuuvugut. Taakku saniatigut aningaasaateqarfiit aningaasaliisinnaasullu allat inuussutissarsiuteqarnikkut ingerlatsisunut iluaqutaasinnaasut pillugit, inuussutissarsiutitigut siunnersuisoqarfik ataavartumik ilisimasassanik katersisarpoq.



Qatanngutigiit Anders & Nuka-Aqqalu Brobergikkut aquuterallannik qamuterallannillu mekanikeritut ilinniarnikut, Qeqertarsuarmi mekanikeritut sullivimmik aallartitsinikuupput.

Qatanngutigiit Anders & Nuka-Aqqalu Brobergikkut aquuterallannik qamuterallannillu mekanikeritut ilinniarnikut, Qeqertarsuarmi mekanikeritut sullivimmik aallartitsinikuupput.

Sulisitsisorisimasaata qatanngutigiit suliffiat matummagu, naqqaniik namminneq suliffeqarfiutitaarniarlutik aalajangerput. Qeqertalik Business Councililu aallartitsiniarnermi siunnersuisartoq attavigaat.

”Kommunip ataani siunnersuiveqanngitsuuppat, aallartinniarneput ajornarnerujussuusimassagaluarpoq.”
Anders Broberg oqarpoq.

Mekanikeritut sulliviat, umiatsianut maskiinanik kingoraartissanillu tuniniaasuunermi saniatigut, maanna aamma sullitanut assartuissutaasinnaasumik usisaammik biileqalernikuuvog. Nalik Venturesip, nuna tamakkerlugu inuussutissarsiornikkut ineriartortitsinermut ingerlatsiviup, Qeqertalik Business Councilip suleqatigissallugu isumaqatigiissusiorfiginikuusaata, nioqqutissiornikkut ineriartortitsinissamut tapiissutai aqqutigalugit aningaasatigut tapiiffigineqarnikkut usisaammik biileqalernissaat piviusunngorpoq.



8 SULIFFIT NAAPERTUUTIT
ANINGAASARSORNIKKULLU
SIUNNARTORNEQ



Kommuuni inuussutissarsiornermillu suliallit peqatigalugit qaammatit pingasukkaartumik naapittarpugut, siammasinnerusunik inerisaaneq, periarfissallu ilippanartut sinaakkuserumallugit.

9 SULIFFISSUIT,
MUTALLORNEQ
ATTAVEQAASERSUUTILLU



Nunap ataqatigiinnissaanut attaveqaasersuutiniik erseqqissaanerit kiisalu pitsanngorsaanerit kommuunip inoqarfianni, ilaatigut allagartalersuinnikkut piareersaaqataaffigaarput.

PIGINNAASANIK INERIARTORTITSINEQ

Takornariarpassuaqalernissaanut nunap immikkoortuani sullitassanut tigooraanissamut ingerlatseqatigiiffiup piareersaataasa ilaattut, aammalu aallarnisartut inuussutissarsiuteqarnikkullu ingerlatsisut tunniussinnaasaasa pitsaassusaat qaffassarniarlugu, innuttaasunut kommuneqarfitsinnilu inuussutissarsiuteqartunut pikkorissaanissamik isumasiuititsinernillu arlariinnik inuussutissarsiutitigut siunnersuisoqarfik neqerooruteqartarpoq.

Ukiut kingulliit ingerlaneranni missingersuuserinermut, naatsorsuuserinermut kiisalu akileraarutinut tunngasunut, aallarnisartullu immikkut pisariaqartitaat naapertorlugit ilusilersukkanik pikkorissaanernik arlalinnik aaqquissuussisoqartarnikuuvoq. Kingullertigut FN-ip Nunarsuarmioqatigiinnut anguniagai, taakkulu imarisai inuussutissarsiuteqarnikkut ingerlatsisutut qanoq ingerlatsinerminnut tulluarsarsinnaaneraat, sammisallu siunissami qanoq suleriutsinut tutsinneqarnissaat pillugu puijuartitsineq pillugu pikkorissaanernik neqerooruteqartoqarpoq.

Qulaani taaneqartut pikkorissaanerit sulisut namminneq ingerlattarpaat, inuussutissarsiutitigullu siunnersuisoqarfiup sulisut naleqquttunik ilinniarlutillu pikkorissarnissaat qularnaarniartarpaa. Najukkamili suliaasaq kivinnekarsinnaanngikkaangat aatsaat, nammineerluta pikkorissaanerit ingerlattarpagut.

Sulisut namminneerlutik iliuuseriniagaasa saniatigut, Inuussutissarsiutitigut

siunnersuisoqarfiup nunatsinni ilinniarfeqarfiit, aamma kommuneqarfitsinni pikkorissaanernik neqerooruteqartartut suleqatigilluartaipai. Taakkulu ilagaat Campus Kujalleq, siornatigut adventure guide iluani (misigisassarsiortitsillutik takornariartitsisartutut) pikkorissaasimasog, kiisalu Imarsiornermik Ilinniarfik imaani isumannaallisaaneq imaluunniit inuussutissarsiutigalugu angallassisinnaanermut uppenarsaatitaarnissaq pillugu pikkorissaasimasog, imaluunniit tuluit oqaasiini aallarterlaanut oqaatsinik pikkorissaanernik neqerooruteqarsimasog KTI.

Illoqarfiit avataaneersut pikkorissarnermi peqataasussat angalanissaannut ineqarnissaannullu aningaasartuutissat, PKU aamma AMA-meersut tapiissutit atorlugit matuneqakkajuttarpoq, tamannalu innuttaasunut nuannaarutaasorujussuusarpoq.

Pikkorissaanerit tamakku suliamut pikkorissutsimikkut ineriartornissaminnut pingaaruteqartuunerarlugit pikkorissaanerni peqataasut ersarissaatigisarpaat, amerlanerujartuinnartullu piginnaasarilikkatik iluaqutigillualereersimavaat.



Kangaatsiami Sullissinermut pikkorissaanermi peqataasut ilaannit Naliliinermi nalunaarut:

Pikkorissarnerput imaqangaatsiarpoq
pissarsiaqarnarlunilu,
kiisalu qanoq sullitanut
tigussaasunik pitsaannerusunillu
sullissilluarnerusinnaanermut
takorluuilersitsilluni.

INUUSSUTISSARSIUTEQARNIKKUT INERIARTORTITSINEQ & ISUMASIUITITSINERILLU

Inuussutissarsiutitigut siunnersuisoqarfik kommuneqarfimmi inuussutissarsiuteqarnikkut takornariaqarnikkullu soqutigisat pingaarnersiuinerillu aallaavigalugit, kommuneqarfitsinni nunaqarfinni illoqarfinnilu ukiumoortunik inuussutissarsiuteqarnikkut ingerlatsisunut isumasiuititsisarpoq. Isumasiuinerimi peqataasut anngussaak katersorneqartarput, kommunillu missingersuusiornermut pilersaarutaanut innersuussutinngorlugit nassiunneqartarlutik, naggataani kommunimi politikkerinit pingaarnersiorlugit taasissutigineqartussanngorlugit. Aaqqissuussat taakku najukkami ineriartornermik nakussassaaqataallutillu nunap immikkoortuani ataatsimuussusermut nukittuumut siuarsaaqataasarpud.

Aasaanerani angallanneq ajornannginneruleraangat kommuneqarfitsinni nunaqarfiit tamarmik tikeraarneqartarput, matumanilu innuttaasut kaffisoqatigiilluni oqaloqatigiinnissamut aggersarneqarlutillu siunnersorneqarusuttunut siunnersuinerit ingerlanneqartarput. Qaammatit pingasukkaarlugit Aasianni inuussutissarsiuteqarnikkut ingerlatsisut, Kommune Qeqertalimmi aqutsisut kiisalu Qeqertalik Business Council ataatsimiittarput, pilersaarutiminnik, suliniutiminnik il.il. akunnerminni paasissutissiiffeqatigiinnissamik siunertaqartumik, taamaalillutik pineqartut ataatsimoorlutik illoqarfimminni inuussutissarsiuteqarnikkut takornariaqarnikkullu soqutigisaminnik kivitseqatigiissinnaasarlutik. Suliniut taanna Inuussutissarsiutitigut siunnersuisoqarfiup siuttuuffigilernikuusani, aamma illoqarfiit sinnerini najukkami sinniisuutitat qanimut suleqatigalugit

pilersinneqassasoq kissaatigisorujussuuua. Ataatsimiinnerit taakku najukkami suliniutiginiakkat siumut ingerlanneqarnissaannut aalajangiisuusarpud, tamannalu aamma Sulisitsisut nunap immikkoortuani immikkoortortaqaqarfimmini iluatsittumik ingerlanissamut qitiulluinnartut naqissuserpaa. Inuussutissarsiutitigut siunnersuisoqarfik aammattaaq kommuneqarfitta saniliini Kommune Qeqertalimilu takornarialerisunik inuussutissarsiuteqartunillu peqataaffigineqartumik, inuussutissarsiuteqarnikkut ineriartorneq pillugu isumasioqatigiisitsinermik aaqqissuussisarpoq, isumasioqatigiisitsinernilu aaqqissukkani taakkunani nunap immikkoortua akimorlugu suleqatigiinnissaq aammalu takornarialerisut inuussutissarsiuteqartullu akunneranni sunniivigeqatigiinnernik pilersitsinissaq sammeneqartarput.

Nittarsaassivinni ataatsimeersuartitsinernilu peqataaneq

Ingerlatseqatigiiffiup pilersinneqarneranut tunngaviulluinnartut ilaat tassaavoq nunap immikkoortuata avammut nittarsaanneqarnissaa, nunap immikkoortuani inuussutissarsiuteqarnikkut takornarialerinikkullu neqeroorutaasartut periarfissarpassuit, takusassarpassuit sammisassarpassuillu eqqumaffigineqarnerulerniassammata. Canadami aatsitassarsiorneq pillugu ataatsimeersuartitsinermi Prospector and Developers Association Conferencetut ittuni, Kommune Qeqertaliinnarmi aatsitassarsiorutunut neqeroorutigineqarsinnaasut akuersissutit 14-niusut pillugit nittarsaassilluta peqataanissaq pingaartikkatsigu, nittarsaassivinni



eqeersimaartumik peqataasarpugut. Taakku saniatigut nunatsinni nittarsaassivinni aamma peqataasarpugut, soorlu nunatsinni inuussutissarsiuteqarnermik ineriartortitsineq pillugu ataatsimeersuartsitsinermi Future Greenlandimi, tassanilu nunatsinni inuussutissarsiorterimik ukkassinermi naalagaaffeqatigiinnermi ingerlatsisut amerlasuut peqataasarpugut. Ataatsimeersuarterimik matumani nunat immikkoortuini ilisimasat ilippanaatillu pillugit avitseqatigiittarpugut, taamaaliornerullu najukkami suliffeqarfiit attaveqatigiinnermik nukittuumik nunarsuaq tamakkerlugu alliartuutiginnaasaannik tunisarpai.

Suleqatit

Inuussutissarsiuteqarnermik takornariaqarnermillu ineriartortitsinerimik siuarsaaniarluni, Qeqertalik [Business Council Nalik Venturesimik](#) aammalu [Visit Greenlandimik](#) suleqateqarpoq. Siunissaq patajaatsoq piujuartitsiffiusorlu qularnaarumallugu advisory-boardimi ataatsimiinnermi, kiisalu aamma nuna tamakkerlugu nunallu immikkoortuini suliniutitut ineriartortitassani eqeersimaartumik peqataasarpugut. Aammattaaq ingerlatseqatigiiffiup qanimut Visit Greenland suleqatigaa, ingerlatseqatigiiffiullu nunami takornariaqarnikkut ingerlatseqatigiiffiit allat peqatigalugit matumani Visit Greenland suliniutaanni assigiinngitsuni peqataasarpog. Ingerlatseqatigiiffik ilaatigut Towards Better Tourismimi, nuna tamakkerlugu takornarialerisut 100-jut sinnerlugit peqataaffigineqartumi

peqataavoq, tassani eqqartugassani pingaarutilinni soorlu malittarisassat, pitsaassusilersuinerit kiisalu umiarsuit takornariartaatit atorlugit takornarialerinerimik naatsorsuutit pillugit oqalliseqataalluni. Suleqatigiinneq tamanna ukiumut arlaleriarluni Nalik Venturesimik Visit Greenlandimillu peqateqarluni ataatsimeeqatigiiffiusartoq, nunap immikkoortuini nunalu tamakkerlugu eqaannerusumik ineriartortitsinerimik ataatsimoorlunilu suliniarnerup ataqatigiissarneqarneranik kinguneqarpoq.

Kommuneqarfitsinnilu kommunep sanilerisatta Avannaata Kommuniata suleqatiginera, aamma nunap immikkoortuani periarfissanik ineriartortitsilluni ingerlatseqatigiiffiup suliniarnerani pingaaruteqartumik inissisimavoq. Matumani ingerlatseqatigiiffik Avannaatalu ataatsimoorlutik suleqatigiinnermik nunaq immikkoortuani ilisarnaat pilersippaat, ataatsimoorluni ataatsimeersuarterni, nittarsaassineri kiisalu nunap immikkoortuanut Qeqertarsuup Tunuanut ataatsimoornermut ilisarnaatitut nittarsaassinerimik atorineqartussaq tassaasoq [Explore the Golden Bay of Greenland](#). Pineqartut ukiumoortumik ataatsimiinnerat iluatsillugu, Ilulissani takornarialerisut nioqqutaatiminnik allilerinissaannut periarfissaat takutinniarlugit Qeqertalimmi periarfissanik ilippanaatinillu saqqummiiviginiarlugit ataatsimiinnermut aggersarneqartarput. Ataatsimiinnerup matuma siunertaraa Qeqertarsuup Tunuani nunap immikkoortuani takornarialerisut akunnerminni takornarissanik kaajallaasitsillutik neqeroorutiteqartitsinissaannut kajumissaarinissaq.

Søren Hansen, Siulittaasoq, Nunap Immikkoortuani Qeqertarsuup tunuani Sulisitsisut

Nunap immikkoortuani inuussutissarsiuteqarnerup ineriartortinneqarnerani, Qeqertalik Business Council pingaarutilimmik atuuffeqarpoq. Siuarsaanissamut, nutaaliornermut aammalu suleqatigiinnermut pisussaaffigilluinnarlugu suliniuteqartarnermigut, suliffeqarfiit nukittunerulernissaannut najukkamilu inuiaqatigiinni piujuartitsinerulernissamut taperseeqataasarpog. Inuussutissarsiorterup iluani pineqartut tamarmik assigiimmik uummaarissumillu ingerlanissaasa periarfissinneqarnissaannut, kinaassusersiunngitsumik periuseqartarnera qulakkeerinnittuvoq. Qeqertalimilu inuussutissarsiuteqarnikkut nukittorsaaniallutik aallussinerat naleqarluartumillu suliniarnerat, Sulisitsisut tungaanniik qujamasuutigeqarput.



TAKORNARIAQARNERUP INERIARTORNERA

NITTARSAASSINERNUT - ATAATSIMEERSUARNERNULLU PEQATAASARNEQ

Nunap immikkoortuata nittarsaanneqarnissaa anguniarlugu, Qeqertalik Business Council nittarsaassinernut ataatsimeersuarnernullu eqeersimaartumik peqataasarpog. Aaqqissuussanut soorlu AECO-mut, Vestnorden Travelmartimut aammalu Adventure Elevatemut, matumani aamma Visit Greenlandip aaqqissugaanut cruiseseminarinullu peqataasarnigut, nunarsuaq tamakkerlugu attaveqaateqalernissatsinnut aammalu suleqateqalernissatsinnut periarfissiisarpog. Taakkununani aaqqissuussanut peqataanitsinni nunatta immikkoortuani neqeroorutit nittarsaatiinnarnagit, aamma takornarissat aningaasaliisinnaasullu ilippanaatillit neqeroorutitut soqutiginnilersissavagut.

AVAMMUT NUNAMULLU TAMARMUT NITTARSAASSINEQ

Paasititsiniaanerit, paasissutissiissutitinnik sanaartornerit aalajangersimasumillu tunaartalinnik tusagassiutitigut nittarsaassinerit periusissiaq malillugu suliarisarpagut. Nuna tamakkerlugu nunallu tamalaat ukkallugit paasititsiniaanitta qulakkiissavaa, nunap immikkoortuani periarfissat immikkuullarissut atuisunut siammasissunut anngunneqarnissaat, taamaalilluni takornariaqarnikkut aningaasaqarnerput nukittorsarneqassalluni. Avammut ilisarnaatitut attaveqaaterput tassaavoq www.diskobay.gl, tassanilu nunap immikkoortuani periarfissat ilippanaatillu nunarsuup sinneranut takusassiarineqartarpog. Nittartakkami tassani paasissutissat arlariit neqeroorutigineqartarpog, soorlu nunap [immikkoortuani takornarialerisut](#),

takornariarnissamut patsisissat, illoqarfiup nunamilu pisuffissat assigi, [Aasianni](#), [Qasigiannguani](#), [Qeqertarsuarmi Kangaatsiamilu](#), illoqarfinni allagartalersuinerit kiisalu kommuneqarfitta oqaluttuarisaanerani piorsarsimassutsikkut kingornutassiat pillugit [oqaluttuaararpassuit](#). Kommuneqarfitta ornitassatut pilerinarsarnissaa anguniarlugu, tamakku tamarmik pilersitaappog.

INUIT ATTAVEQATIGIITTARFI

[Inuit attaveqatigiittarfi](#) attavigiuminartuunerput najukkami nunallu tamalaat akornanni aallussinitsinnut annertuumik sunniuteqarsimavoq. Inuit attaveqatigiittarfi atorlugit paasititsiniaasarnigut pissutaallutik, attaveqateqarnigut, siammarterisarnerit pitsaasumillu maluginiarneqartarnigut malunnaatilimmik qaffariarnikuupput, taamaalilluni ilisarnaaterput pisuunnguallatsinneqarluni nunattalu immikkoortuanut takornarissat kajuminnerulersinneqarlutik.

TAKORNARIALERISUT INUUSSUTISSARSUTEQARTULLU AAMMALU NAJUKKAMI SULINIUTIT

Suliniutinik nutaanik aaqqissuisarnitsigut siuariartorfissallu ugartortarnerisigut, najukkami takornarialerisunut eqeersimaartumik tapersiissuteqartarpogut. Nittartagarpullu www.qbc.gl aqutigalugu, najukkami ingerlatsisut neqeroorutiminnik annertusaanissaannut sullissinerisalu pitsanngorsarnissaanut ikiuunniarluta ilitsersuutinik neqerooruteqartarpogut, taamaaliornittalu nunap immikkoortuani takornariaqarnikkut angallassineq ataatsimut isigalugu nukittorsartarpaa.

